

Bayi lelaki dalam tong sampah diberi nama Mohd. Ramadan

TEMERLOH - Bayi lelaki yang ditemui dibuang di dalam tong sampah di hadapan sebuah rumah di Taman Temerloh Jaya, di sini pagi semalam akan diberi nama Mohd. Ramadan sempena mengambil keberkatan bulan mulia ini.

Pengerusi Jawatankuasa Pembangunan Wanita dan Keluarga, Komunikasi dan Mutimedia Negeri, Datuk Shahaniza Shamsuddin berkata, bayi seberat 2.4 kilogram yang ditemui pada hari kedua umat Islam mengerjakan ibadah puasa kini berada dalam keadaan stabil dan masih dirawat di Hospital Sultan Haji Ahmad Shah (Hoshas) di sini.

“Untuk sementara bayi lelaki ini akan ditempatkan di Hoshas untuk pemerhatian selama seminggu.

“Kemudian bayi ini akan diserahkan kepada Jabatan Kebajikan Masyarakat untuk ditempatkan di rumah perlin-

dungan,” katanya selepas meluangkan masa melawat bayi berkenaan di Hoshas.

Kosmo! semalam melaporkan penduduk Taman Temerloh Jaya, Temerloh gempar dengan penemuan seorang bayi lelaki di dalam tong sampah di kawasan perumahan itu.



KERATAN *Kosmo!* semalam.



SHAHANIZA (kanan) mendukung bayi yang dijumpai di dalam tong sampah sewaktu melawatnya di Hoshas, Temerloh semalam.